



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

37. De productione ad populum.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO XXXVII.

*Producitur ad populum corona-
tus Rex.*

PUNCTUM PRIMUM.

Producitur ad populum. Sic fuerat defor-
matus, ut putaret Pilatus mitigari illius aspe-
ctu posse rabiem Judæorum: quare ex editio-
re loco eum ostentat. *Exiit ergo Jesus portans* 10. 19. 5.
spineam coronam, & purpureum vestimentum.

Qualis confusio sic inimicis ostentari! qua id
demissione tulit mitis Jesus! O quàm alius in
monte Thabor apparuisti!

Ait ergo illis: *Ecce homo*, qui sic est defor-
matus, ut figuram hominis non habeat, & est *Ecce ho-*
tamen homo, & homo ille, quem vos ambitus *mo*
accusastis: O speciose præ filijs hominum! ubi *Varia*
species, ubi decor? O velim sic exterius defor- *confide-*
mari, ut reformer interius! *ratio hu-*
jus dicti.

Deinde cogitabo quòd Pater æternus per Pi-
latum sic nobis exhibeat Filium suum, dicatque:
Ecce homo. Homo quidem, sed & Deus, &
Angelorum Dominus, & Redemptor tuus, qui
huc se abjecit propter te. Vicissim quæram:
An ipse est, cui vicissim testimonium in monte
dedisti, quòd sit Filius tuus? ubi ergo nubes lu-
cida? ubi testes Moyses, & Elias? ubi reliqua?
Protector noster aspice, Deus, & respice in faci- 10. 38.
em Christi tui. 10.

PUN-

PUNCTUM II.

Crudeli-
tas Ju-
dæorū.

Judæi adeò non moti sunt illa Christi specie, ut exarserint magis Pontifices, & ministri clamantes : *Crucifige, Crucifige eum. Perge, comple quod cœpisti. Quid ibi sensit Christus, visâ pertinaciâ ingrati populi, in quem tot contulerat beneficia, & quòd idcirco deserendi essent à Deo ? Tu contrâ, acue studium, & fervorem placendi ipsi, in quandam pro eâ injuriâ compensationem. Pilatus ipse commotus tantâ pertinaciâ, à se removit judicium, dicens : *Accipite eum vos & crucifigite. Ego enim non invenio in eo causam.**

Responderunt Judæi : *Nos legem habemus, & secundùm legem nostram debet mori, quia Filium Dei se fecit.* Et prætextu legis accusatur blasphemix, & reus mortis agitur, *qui non rapinam arbitratus est esse se æqualem Deo* : sic filij sæculi, alioqui divinæ legis contemptores, prætexere zelum legis solent, quando ad suas cupiditates abuti illa volunt.

PUNCTUM III.

Pilati
superbia

EX accusazione Judæorum, quòd Filium Dei se faceret, timere cœpit Pilatus tanto magis ; nam mores Christi, & insita majestas suffragabantur tali existimationi. Quare sine arbitris eum interrogat, *unde es tu ? Cui cùm Jesus nihil responderet, fastu tumidus objectat, mihi non loqueris ? & potestatem suam jactat,*
qua

qua possit Christum vel crucifigere, vel dimittere pro libito. Tunc Jesus, non jam pro se dicitur, sed pro Patris æterni gloria respondit: *Non haberes potestatem adversum me ullam, nisi tibi datum esset de super: propterea qui me tradidit tibi, majus peccatum habet.* Cordi fuit Christo, ut constaret, voluntarium esse sacrificium, ex ordinatione divina.

PUNCTUM IV.

QUærebat adhuc Pilatus dimittere Jesum. *Joan. 19. 12.*
Judæi autem clamabant, *si hunc dimittis, non es amicus Cesaris: omnis enim qui se Regem facit, contradicit Cesari: quibus conterritus adduxit foras Jesum, & sedens pro tribunali dixit Judæis, Ecce Rex vester:* En qualis Rex, à quo scilicet metuere Romani debeant: vel si instinctu divino dictum accipiatur; En, ille Rex vobis expectatus, Redemptor Israël. Inspiciam ego ipsum, illis repellentibus: nam clamabant denuo: *tolle, tolle, crucifige eum.*

PUNCTUM V.

INSTAT adhuc Pilatus: *Regem vestrum crucifigam?* responderunt Pontifices, *non habemus Regem nisi Cæsarem.* Quid ita? an non Christum expectatis? & quomodo solum Cæsarem, qui vos servitute premit, & quem pejus angue odistis? sic, ut odium suum expleant in Christum, quidvis cæci agunt. Veniet in vos Cæsar, ac Deo ordinante, pœnas à vobis exiget ab-

Tom. II. H negati

Rabies
Judæorū

negati Christi Regis. O quoties ego posthabeo Christum mundo, variisque respectibus à vero abducor! Et en, ut est cæca passio animi, cæca invidia, & odium in aliquem semel conceptum.

MEDITATIO XXXVIII.

Damnatur ad Crucem.

PUNCTUM PRIMUM.

Matt.
27. 19.
Visio uxoris Pilati à quo causata.

UXor Pilati nunciat marito sedenti pro tribunali. *Nihil tibi & iusto illi, multa enim passa sum per visum propter eum:* id potuit accidere à malo genio, qui, visa Christi virtute, & patientiâ inter tot acerbitates, veritus sit ne regno suo malè cederet illius mors. Tantùm valet eximia virtus, etiam apud hostem & improbum. Vel etiam à bono Angelo suggerente, iudicium illud fore marito eius exitiale. Nempe voluit Deus sic etiam testatam reddere innocentiam in ipso damnationis articulo.

PUNCTUM II.

Matt.
27.

Videns Pilatus quia nihil proficeret suadendo, lavit manus, dicens: *innocens ego sum à sanguine iusti hujus, vos videritis.* Præambulum sententiæ in Christum fuit, profiteri ipsum justum. Frustra autem in alios crimen rejicit.

Sanguis Christi

Respondit universus populus, *sanguis eius super nos, & super filios nostros.* ô dira in seipsum